

Weh Wi Ga Fi Seh

Kip sayf fahn di vairos!
Kip op yu helt.

Mis Myrna, Kriol Fareva

Ih haad haad haad fi rait dis. Kriol Kongsl ahn Bileez laas **Myrna Manzanares**. Ih daata Shalini ahn ih son Robert an ih breda dehn laas preshos Myrna. Krismos deh ya, bot **Myrna** noh deh ya. **Myrna** neva ga no selfish boan eena ih badi. If yoo mi need dala, ahn shee mi oanli ga dala tu ih naym, datideh dala da-mi fi yoo. Ahn noh mata how taiyad Myrna maita mi taiyad, eni skool aks ahn fi kohn kohn nak lee Kriol jrom ahn taak bowt Kriol kolcha ... bam si deh! Myrna jrap evriting ahn goh du it, fu free free free. **Myrna** rait nof lee buk, aal bowt kolcha. Pahn tap, Myrna da-mi di bes toari tela mee mi noa. Sohntain di sidong anda mengo chree da Gaylz Paint Manati, sohntaihn di sidong pahn ih oan setee, ahn nof taihn di taak tu skool pikni: **MYRNA, gyal**, Ah deh rait ya di baal op. Ah mis yu bad bad bad. Ah noa seh Mista Peetaz ahn Leela Vernon deh rait deh di welkom yu eena Hevn. Ahn yu blesid ma tu. Jeezas seh: "Wen yu taiyad a kehri yu hevi load, kohn ya kohn res."



MYRNA MANZANARES

Baan: Aktoaba 30, 1946

Wayk op ded: Disemba 21, 2021

Silvaana Udz, Ed.D. da fahn Bileez. If yu waahn tel shee bowt sohnting speshal fu put eena dis Kriol aatiki, eemayl: sudz142@gmail.com Vizit: www.nationalkriolcouncil.org